

PATVIRTINTA

Skouda rajuona savėvaldībės R. Granauskė vėišuosės bibliotekas
dėrektorius 2021 m. sausė 14 d. ĩsakĭmo Nr. V1-10

NUOTUOLĒNĒ ŽEMAITIU KALBUOS DĒKTANTA NUOSTATĀ

I SKĪRIOS BĒNDRUOJI DALĒS

1. Nuotuelėnė žemaitiu kalbuos dėktanta nuostatā reglamėntoun organėzoujema dėktanta tėkslus, dėktanta organėzavėma tvarka bei dėktanta dalĭviu vertėnėma tvarka.

2. Nuotuelėnė žemaitiu kalbuos dėktanta organėzatuorios – Skouda rajuona savėvaldībės R. Granauskė vėišuoji biblioteka. Partneris – Skouda žemaitiu draugėjė.

3. *Nuotuelėnė žemaitiu kalbuos dėktanta tėkslā:*

3.1. okatĭtė duomavėmuos žemaitiu kalba ė anou keravuotė;

3.2. ėtvėrtintė žemaitiu kalbuos gramatėka, prėtaikont anou praktėkuo.

4. Rašĭtė nuotuelini žemaitiu kalbuos dėktanta gal vėsė asmėnĭs, solaukėj 14 metu omžĭiaus.

5. Ēnpuormacėjė aple nuotuelini žemaitiu kalbuos dėktanta skelbama Skouda rajuona savėvaldībės R. Granauskė vėišuosės bibliotekas ėnternetėnie svetainie www.svb.lt, Skouda rajuona savėvaldībės R. Granauskė vėišuosės bibliotekas suocialėniu tinklū „Facebook“ ir „Instagram“ paskĭruos.

II SKĪRIOS DĒKTANTA ORGANĒZAVĒMA TVARKA

6. Žemaitiu kalbuos dėktants vĭks nuotuelėnio budo.

7. Žemaitiu kalbuos dėktantou teksta parinks ė anou dėktous Skouda rajuona laikraštė „Mūsa žuodis“ redaktuorė, literaturologė, Skouda žemaitiu draugėjės narie Zabitiėnė Dalė.

8. Žemaitiu kalbuos dėktanta dalĭvė rašĭs, veiziedamuos tėisĭuogėnė transliacėjė Skouda rajuona savėvaldībės R. Granauskė vėišuosės bibliotekas suocialėnė tinkla „Facebook“ paskĭruo.

9. Dėktanta pradė – 18.00 adĭna.

10. Dėktanta pabonga – 18.45 adĭna.

11. Pasėbėngos žemaitiu kalbuos dėktantou, dalĭvė tories 30 mėnotu ėiesa atsiūstė surinkta tekstā MS Word pormato arba skėnouta / nopaveĭkslouta ronka rašĭta dėktanta teksta lektuorė elektronėnio pašto dalia.zabitiene@gmail.com.

III SKĪRIOS DALĭVIU VERTĒNĒMS Ē APDUOVĒNUOJĒMS

12. Dėktanta dalĭviu žemaitiu kalbuos gramatėkas žėnės bus vertėnamas, atsėžvelgont i prop. Dr. Pabriežas Jūzapa leidėnie „Žemaiĭių kalba ir rašyba“ ėtvirtintas žemaitiu kalbuos gramatėkas taisĭklės.

13. Organėzatuoriaus ėsteigtās prizās bei padiekavuoniems bus apduovėnotė dešimtės mažiausė klaidū padėrbosiu nuotuelėnė žemaitiu kalbuos dėktanta dalĭviu.

14. Bėndra ėnpuormacėjė aple nuotuelėnė žemaitiu kalbuos dėktanta rezultatus bus paviešinta ligi Tarptautėnės gimtuosės kalbuos dėnuos, tas ĭr, ligi 2021 m. vaserė 21 d.

15. Dešimtėj geriausė nuotuelini žemaitiu kalbuos dėktanta parašĭusiu dalĭviu prizā ė padiekavuonės bus ėšsiūstė anū noruodĭtās adresās.

IV. SKĪRIOS BĒNGAMUOSĒS NUOSTATAS

16. Siūsdams surinkta teksta MS Word pormato arba skenouta / nopaveiklsouta ronka rašīta dėktanta teksta lektuorė elektronėnio pašto, nuotuelėnė žemaitiu kalbuos dėktanta dalīvis sotink, ka aple dėktanta rezultatus ons bus ėnpormouts tou patio elektronėnio pašto, ėš katruo lektuorė gaus parašīta dėktanta teksta.

17. Nuotuelėnė žemaitiu kalbuos dėktanta dalīvė, pageidaujou ėnpuormacėjė aple nuotuelėnė žemaitiu kalbuos dėktanta rezoltatus gautė telepuono, siūsdamė sava dėktanta teksta lektuorė noruoda sava telepuona nomeri, tėp ėšreikšdamė sotėkėmėma gautė ėnpuormacėjė telepuono.
